

mus W. Warichia z léta 1597, hižo za tamny čas tak dobry prawopis pokazuje (Mollerowy za delnjołužišćinu 1574 je wjele hubjeńši), zo so ćežko bjez předkhadnikow myslíc hodži. Wšitcy tajcy předkhadnicy, mjez nimi najskerje katholske katechismy a podobne najtrěbniše wěcy, su so bohužel zhubili!

Duž běše nam wulcy zwjeselace, hdyž nam tudomny knihikupc k. Oskar Rösger, česceny znajeř starožitnosćow, knihu pokaza, w kotrejž bě wón serbsku stronu we wjele staršim rukopisu wuslědžił. Jemu wuprajamy tež tudy najrjeniši džak a přistupujemy hnydom k wopisanju rukopisa a k podaću jeho serbskeje strony z trěbnym wujasnjenjom.

Rukopisna kniha z pergamenta w małym kwarće je dyrhjala něhdy městej Budyšinej slušec; přetož je to měščanska kniha „stadtbuch“ (abo „stadt- u. gerichtsbuch“). Wona bu hakle njedawno zasy wróćena a do musea darjena wot k. Hartmanna, prjedy wobsedžerja Debric, kotrehož jedyn prjedomnik, měščanski zastojnik, je sebi ju najskerje k svojim študijam požčił. Kniha, něhdže 100 łopjenow z džěla próznych a njeporjadnje zwjazanych, wobsteji z wjacy džělow a ze wšelakich časow. Najstarše někotre strony su z kónca 14. lětstotka „čło města Budyšina“; lisćina z přenjeje položcy 15. stotka a registrum castri, molendinorum, tabernatorum sub castro, pheodales, opiones atd. atd.; potom je tam z druheje položcy 15. stotka „registrum cerevisiae civitatis Budissin. anno dm. MCCCCLV.“ z mjenami piwnych dworow po drohach (richingasse, kesselg., lauweng., joding., bruderg., irrenberg, fleischerg., schulerg., windische g.). W předku je nowy přepis najhusćišo trjebanych wěcow: piwnych dworow, „wachgeld, worczgeldt uffs Sloss, Stetegeldt, Stadt Czol, Gorlitzche Czolle, Sloss Rente, Stadt Wilkore (herbske prawo), vom dinste des adels. Registrirt auffß New Nach Christi geburt Tausent fundhundert vnd Im Ezwey- vnddreißigsten Jare (1532). Vnd meynß Statschreibertumß Im Sechßvnddreißigsten Jare.“ Tola wěcy tak po sebi njesćěhuja, kaž je předkowny napis, ale před zapisom piwnych dworow su wšelake přisahy ze wšelakich časow; mjez tutymi su najstarše: der Rattmann Eidt, der Biermeister Eidt, der Dynner Eidt, des Burgerrechts Eidt, der Burger Eydt Wendisch.